



REPUBLIKA E SHQIPËRISË  
PROKURORIA PRANË GJYKATËS SË SHKALLËS SË PARË TË  
JURIDIKSIONIT TË PËRGJITHSHËM GJIROKASTËR

**NJOFTIM PËR VEND VAKANT  
KOORDINATOR PËR ASISTENCËN NDAJ SUBJEKTEVE ME STATUS TË  
POSAÇËM.**

Prokuroria pranë Gjykatës së Shkallës së Parë të Juridiksionit të Përgjithshëm Gjirokastër, kërkon të punësojë një punonjës në administratë me detyrë Koordinator për asistencën ndaj subjekteve me status të posaçëm.

Pershkrimi i punes:

Pergjegjesite kryesore:

- a) Punonjësi përmbush detyrimet e prokurorisë për informacion ndaj viktimave dhe dëshmitarëve, referimin e viktimave tek ofruesit e shërbimeve dhe garantimin e mundësive për ushtrimin efektiv të të drejtave të tyre. Punonjësi ndihmon çdo pjesëmarrës në procedim që ka një paaftësi fizike apo mendore për të ushtruar me efektivitet të drejtën për akses në sistemin e drejtësisë penale.

Funksionet kryesore:

- a) Ofron shërbime dhe këshilla për viktimat e krimit, në veçanti për ato të kategorive të mëposhtme: të miturit; viktimat e dhunës në familje, abuzimit seksual dhe përndjekjes; viktimat e trafikimit të qenieve njerëzore dhe viktimat me paaftësi fizike dhe intelektuale, duke pasur parasysh moshën dhe situatën specifike.
- b) U shpjegon viktimave procesin e drejtësisë penale dhe procedurat e ndryshme gjyqësore.
- c) Merr informacion, siguron mbështetje emocionale dhe ndërhyrje në rastet e krizës si dhe bën referime tek ofruesit shtetëror dhe ato jofitimprurës të shërbimeve.
- ç) Shërben si ndërlidhës ndërmjet prokurorit të rastit dhe viktimës.
- d) Kryen detyrat nën drejtimin e prokurorit të çështjes dhe brenda kufijve të sekretit hetimor. Në rast mospërputhjes i raporton ato tek prokurori i çështjes.
- dh) Mban kontakt me viktimën dhe dëshmitarin gjatë fazave të procedimit penal, duke dhënë mbështetje emocionale dhe informacion praktik, sipas nevojës.
- e) Vepron si ndërlidhës me agjensitë e arsimit dhe shërbimet sociale në komunitet.
- ë) Krijon dosje të rasteve, sipas udhëzimeve të marra nga drejtuesi i prokurorisë.

- f) Përditëson rregullisht udhëzimet, politikat dhe procedurat standarde të operimit të nxjerra nga Prokurori i Përgjithshëm
- g) Kryen detyra të tjera që i caktohen nga prokurori apo drejtuesi i prokurorisë.

Kushtet e përgjithshme:

- a) të jetë shtetas shqiptar;
- b) të ketë zotësi të plotë për të vepruar;
- c) të zotërojë gjuhën shqipe, të shkruar dhe të folur;
- ç) të jetë në kushte shëndetësore që e lejojnë të kryejë detyrën përkatëse;
- d) të mos jetë i dënuar me vendim të formës së prerë për kryerjen e një krimi apo për kryerjen e një kundërvajtjeje penale me dashje si dhe të mos jetë nën hetim;
- dh) ndaj tij të mos jetë marrë masa disiplinore e largimit nga shërbimi civil, që nuk është shuar sipas ligjit;
- e) Të ketë përfunduar ciklin e dytë të studimeve universitare për psikologji, sociologji, ose fusha të tjera të ngjashme.

Kushtet e posaçme:

- a) Të ketë aftësi për të krijuar marrëdhënie pune efektive me stafin e prokurorisë, ofruesit e shërbimeve, që operojnë në komunitet, viktimat dhe publikun.
- b) Të ketë aftësi për të ndërvepruar në mënyrë efektive dhe me takt me viktimat emocionalisht të shqetësuara.
- c) Të ruajë sekretin hetimor.
- d) Të ruajë konfidencialitetin e informacionit të viktimës.
- e) Të ketë integritet dhe cilësi të larta morale.
- f) Të marrë pjesë në trajnime të vazhdueshme në lidhje me viktimat e krimit.
- g) Të ketë njohuri të mira kompjuterike të tilla si: Microsoft Word, Excel, PowerPoint, etj.
- h) Të ketë njohuri të gjuheve të huaja

Kritere të preferuara, por jo të nevojshme:

- a) Njohja e shërbimeve që u ofrohen viktimave të krimit nga ofrues të ndryshëm shtetërorë dhe jo qeveritarë.
- b) Njohja e sistemit të drejtësisë penale dhe procedurave gjyqësore.

Personat e interesuar duhet të paraqesin në Prokurorinë pranë Gjykatës së Shkallës së Parë të Juridiksionit të Përgjithshëm Gjirokaster, deri në datën 10.12.2024 ora 16.00, këto dokumenta:

- a) Kërkesë për punësim,

- b) Fotokopje e letërnjoftimit/kartës së identitetit/pasaportë.
- c) CV (Jetëshkrim) të detajuar së bashku me një foto.
- d) Diplomë e shkollës së lartë, master, çertifikatë notash dhe çdo diplomë tjetër që tregon specializimin në fushën e caktuar.
- e) Dëshmi penaliteti.
- f) Vërtetim nga Gjykata dhe Prokuroria që nuk ndiqet penalisht .
- g) Fotokopje te librezës së punës ose vërtetim nga Instituti i Sigurimeve Shoqërore që të provojë punësimin e mëparshëm ose vërtetim nga qendra e mëparshme e punës, ku të evidentohet pozicioni i punës dhe kohëzgjatja.
- h) Vërtetim vendbanimi.
- i) Vërtetim mjekësor për gjëndjen shëndetësore.

Pranimi i dokumentacionit të dorëzuar nga kandidatët do të bëhet në sekretarinë e Prokurorisë pranë Gjykatës së Shkallës së Parë Gjirokaster, **deri në datën 10.12.2024 ora 16.00 duke konfirmuar marrjen në dorëzim sipas inventarit të akteve të dorëzuara.**

Verifikimi paraprak i kandidatëve do të bëhet nga Kryesekretari i kësaj Prokurorie, i cila pasi të marrë praktikat dokumentare për secilin kandidat duhet të verifikojë nëse kandidatët kanë plotësuar kushtet e përgjithshme dhe veçanta.

Vlerësimi i kandidatëve nga Komisioni i Pranimi do të bëhet bazuar në dokumentacionin e secilit kandidat si dhe rezultatit të intervistës me secilin prej tyre. Intervista me secilin kandidat, do të kryhet në ambjentet e Prokurorisë pranë Gjykatës së Shkallës së Parë të Juridiksionit të Përgjithshëm Gjirokastër. Njoftimi i datës së intervistimit për kandidatët e kualifikuar do të bëhet me telefon dhe/ose email nga sekretaria.

Per çdo sqarim mund të vizitoni faqen e internetit [www.pp.gov.al](http://www.pp.gov.al).

## **PROKURORIA PRANË GJYKATËS SË SHKALLËS SË PARË TË JURIDIKSIONIT TË PËRGJITHSHËM GJIROKASTËR**